

ԱՐՁԱՆԱԳՐՈՒԹՅՈՒՆ
/2-րդ հանրային լսման/

«Կապանի Ճ.Շ.Շ» ՍՊԸ-ի կողմից ներկայացված՝ Սյունիքի մարզի Սյունիքի ավազակոպճային խառնուրդի երևակման տարածքում կատարվելիք երկրաբանական ուսումնասիրության աշխատանքների շրջակա միջավայրի վրա ազդեցության գնահատման հաշվետվության երկրորդ հանրային լսման վերաբերյալ

Սյունիք բնակավայր

«29» դեկտեմբերի 2025թ.

Կազմակերպված երկրորդ հանրային լսմանը մասնակցում էին՝

- հանրային լսման պատասխանատու, «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հովիկ Մեսրոպյանը:
- Սյունիքի մարզի Կապան համայնքի ղեկավարի առաջին տեղակալ Գ. Թադևոսյանը:
- Սյունիքի մարզի Կապան համայնքի աշխատակազմի գյուղատնտեսության և բնապահպանական բաժնի գլխավոր մասնագետ Ս. Սարգսյանը:
- «Կապանի Ճ.Շ.Շ» ՍՊԸ-ի տնօրեն Ա. Կարապետյանը, ներկայացուցիչներ՝ Ա. Սահակյանը, Ա. Բաբայանը համայնքի բնակիչներ:

«Շրջակա միջավայրի վրա ազդեցության գնահատման և փորձաքննության մասին»

ՀՀ օրենքի (03.05.2024թ., այսուհետ՝ Օրենք) համաձայն, ինչպես նաև ՀՀ կառավարության 28 դեկտեմբերի 2023 թվականի N2343-Ն որոշմամբ (այսուհետ՝ Որոշում) սահմանված կարգով՝ 2025թ. դեկտեմբերի 29-ին ժամը 14:00-ին Կապան համայնքի Սյունիք բնակավայրի վարչական ղեկավարի նստավայրում տեղի ունեցավ «Կապանի Ճ.Շ.Շ» ՍՊԸ-ի կողմից ներկայացված՝ Սյունիքի մարզի Սյունիքի ավազակոպճային խառնուրդի երևակման տարածքում կատարվելիք երկրաբանական ուսումնասիրության աշխատանքների շրջակա միջավայրի վրա ազդեցության գնահատման հաշվետվության երկրորդ հանրային լսումը:

Հանրային լսումը վարեց «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հովիկ Մեսրոպյանը, ով հանդես եկավ բացման խոսքով, ներկայացրեց փորձաքննական գործընթացը և կատարված աշխատանքները:

Ներկայացվեց, որ նախատեսվում է իրականացնել Սյունիքի մարզի Սյունիքի ավազակոպճային խառնուրդի երևակման տարածքում կատարվելիք երկրաբանական ուսումնասիրության աշխատանքներ: Նախատեսվող գործունեությունը դասակարգվում է որպես Բ կատեգորիայի գործունեության տեսակ:

Վերոգրյալի հիման վրա՝ Օրենքով և Որոշմամբ սահմանված պահանջներին համապատասխան՝ 2024 թվականի նոյեմբերի 20-ին, ժամը 12:00-ին Կապան համայնքի մշակույթի կենտրոնում կայացել է նախատեսվող գործունեության վերաբերյալ առաջին հանրային լսումը:

Այդ լսման արդյունքում 2024 թվականի դեկտեմբերի 10-ի N 180-Ա որոշմամբ Սյունիքի մարզի Կապան համայնքի ավագանին «Կապանի Ճ.Շ.Շ» ՍՊԸ-ի կողմից ներկայացված՝ Սյունիքի մարզի Սյունիքի ավազակոպճային խառնուրդի երևակման տարածքում կատարվելիք երկրաբանական ուսումնասիրության աշխատանքների իրականացմանը տրամադրել է իր նախնական համաձայնությունը:

Հաշվետվությունն Օրենքով սահմանված կարգով ներկայացվել է շրջակա միջավայրի նախարարության ստորաբաժանումներին և տարբեր գերատեսչություններ կարծիքներ ստանալու նպատակով: Փորձաքննության իրականացման արդյունքում հաշվետվության վերաբերյալ եղել են առաջարկություններ և դիտողություններ, որոնց հիման վրա հաշվետվությունը ներկայացվել է նախաձեռնողին լրամշակման:

Լրամշակված հաշվետվությունը ներկայացնելուց հետո, Օրենքով և կառավարության որոշման պահանջներին համապատասխան նշանակվել են հանրային երկրորդ լսումներ:

Հ. Մեսրոպյանը նշեց, որ երկրորդ հանրային լսման վերաբերյալ ծանուցումը կատարվել է Օրենքի և Որոշման պահանջներին համապատասխան, սահմանված ժամկետներում հանրային քննարկման վերաբերյալ հայտարարությունը հրապարակվել է «Առավոտ» օրաթերթի 2025 թվականի դեկտեմբերի 11-ի համարում, հայտարարությունը տեղադրվել է Շրջակա միջավայրի նախարարության պաշտոնական կայքում:

Հաջորդիվ՝ «Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ Հովիկ Մեսրոպյանը ներկայացրեց նախատեսվող գործունեության վերաբերյալ տեղեկատվությունը, նշելով, որ փորձաքննության ներկայացված կարծիքի համաձայն հայցվող հողամասը համադրվում է դաշտային ճանապարհի հետ, ինչպես նաև մոտ է գտնվում արհեստական լճակին, ինչի արդյունքում հանքարդյունաբերության իրականացման ժամանակ այն կարող է նպաստել արհեստական լճակի ափերի փլուզմանը: Հայցվող տարածքից դեպի հարավ-արևելք հայտնաբերվել է Ողջի գետի ափամերձ հատվածի ավազի արդյունահանում, որի հետևանքով պետական սահման հանդիսացող Ողջի գետը փոխել է հունը (ենթադրաբար արդյունահանումը իրականացրել է Ընկերությունը), ինչպես նաև հայցվող հողամասից արևմուտք ընկած հատվածում ևս առկա է մոտ 6000 մ² մակերեսով հողային աշխատանքներ:

«Կապանի Ճ.Շ.Շ» ՍՊԸ-ի տնօրեն Ա. Կարապետյանը նշեց, որ պետական սահման հանդիսացող Ողջի գետի փոփոխություն և արդյունահանում տեղի չի ունեցել:

Հանրային լսման ընթացքում ելույթ ունեցավ Սյունիքի մարզի Կապան համայնքի ղեկավարի առաջին տեղակալ Գ. Թադևոսյանը:

«Կապանի Ճ.Շ.Շ» ՍՊԸ-ի կողմից ներկայացված ՇՄԱԳ հաշվետվության վերաբերյալ մասնակիցների կողմից եղան հարցադրումներ: Հարցադրմանը տրվեց սպառիչ պատասխաններ:

Հարցուպատասխանին հաջորդեց ընդհանուր բնույթի քննարկում՝ որից հետո հանրային լսման պատասխանատուն արձանագրեց, որ բարձրացված հարցադրումներին տրվեցին սպառիչ պատասխաններ: Հանրային լսման պատասխանատուն ամփոփեց և փակեց հանրային լսումը:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխ. մասնագետ՝



Հովիկ Մեսրոպյան

«Կապանի Ճ.Շ.Շ» ՍՊԸ-ի տնօրեն



Արարատ Կարապետյան